

Meeqqat atuarianni klassini qullerni atuartut atuarnermut tapiiffigineqartarnerat pillugu Inatsisartut peqqussutaata atorunnaarsinnera pillugu Inatsisartut peqqussutissaattut siunnersuut.

(Kultureqarnermut, Ilinniartitaanermit, Ilisimatusarnermit Ilageeqarnermullu Naalakkersuisoq)

Akissuteqaat

Aappassaaneerinninneq

Naalakkersuisut Ilaqutariinnermut Ataatsimiititaliaq qutsavigaat siunnersuummik peqqissaartumik suliarinnissimanerat pillugu.

Ukiuni qulini atuartitaasussaatitaaneq atuutilereerpoq. Taamaammat Naalakkersuisut ataatsimiititaliami amerlanerussuteqartut, tassaasut Inuit Ataqatigiit aamma Demokraatit, isumaqatigaat, meeqqat atuarianni atuartunut angajullernut tapiissuteqartarnermut tunngavilersuutit atuukkunnaartut.

Ataatsimiititaliami amerlanerussuteqartut Inuit Ataqatigiit aamma Demokraatit allannguutissamik saqqummiussipput, siunnersuutip atuutilerfissaa iluarsineqassasoq 1. januar 2010-miit 1. juli 2010-mut siunnersuutip aappassaaneerneqarnissaata pingajussaaneerneqarnissaatalu ukiakkut 2009-imi ataatsimiinnermiit 2010-mi upernaakkut ataatsimiinnermut kinguartinneqarsimanerata kingunerisaanik. Naalakkersuisut isumaqarput siunnersuut tunngavilersorluagaasoq taamaattumillu innersuussutigalugu siunnersuut amerlanerussuteqartunit allannguutissatut siunnersuutigineqartutut isikkoqartillugu akuerisassanngortinneqassasoq.